


醫籍攷

卷五十七五十八  
方論三十五三十六

武  
2  
29



明武  
2  
卷 29

九折堂  
氏圖書

問氏  
齋

問氏  
齋

醫籍考卷五十七

東都 丹波元胤紹翁 編

方論 三十五

世宗易簡方

明史一卷

未見

韓氏悉醫通

醫藏目錄二卷

存

自序曰醫通草成幾欲焚去今年家兄命謂先君序集有効

方手澤豈容弗傳乃補葺分九章凡九十五則釐爲上下二卷讀且數過心動顏汗向兄不能語者久之而必語曰人有定壽醫善折之聖智不能加多也病者氣機醫每失之造化不容以無穀金也兄謂弟誠能醫乎哉夫孔門學農圃者小之而老氏忘言罔象又奚醫之爲也是編上徹下語而已爾嘉靖改元壬午六月朔飛霞子韓恣天爵自序

李挺曰韓恣號飛霞道人國朝蜀之瀘州人本將家子弘治成化時少爲諸生因不第褫縫掖往峨眉諸山訪醫升菴楊太史稱之曰真隱世傳道也醫通二卷特其上首云耳

醫學入門

陳氏諫蓋齋醫要

### 明志十五卷

存

韓廉序畧曰陳氏故業醫在宋高宗時以醫獲効有宮扇之賜後敝易之以木杭人以木扇陳呼之蓋齋名諫字直之蓋世於醫者也醫要之傳觀者當自得之

趙氏繼宗儒醫精要

一卷

存

自序曰繼宗因進士多病訪請名醫服藥無効自考歷代方書脈理藥性配合調治始痊後任知縣及歷陞僉事等官

凡遇官僚軍民人等有患證諸俱繼宗處方用藥並無失誤然於職業不妨撫按等宦有考涖政有為守已有玷者有考持循從之志著通敏之才者有考負英氣落落而不羈遇政事衮衮而有幹者有考有守有為吏民畏服者有考賦性敏而有識臨事果而有為者有考持身嚴謹處事公勤者有考猶從自持公勤素著者有考處繁不亂執政不撓者勸將大五次旌異一次豈被無情懷私妄劾又被欺公隱蔽考語歸休林下絕足跡於官府肆心力於醫書所著有傷寒傷暑雜症痘疹脈訣醫法活人覽本草切要與治療過大小男女內外諸方二十餘本仰國恩之未報生斯世之可羞乃以一得

之愚竊比芥曝之獻尤恐浩繁有瀆聖覽略舉諸證精要共三十三篇錄為一帙欲以保聖壽可於無疆竭涓埃於萬一具本封進縉紳之在朝者咸曰俱至理發前人之所未發蒙聖旨書送太醫院禮部知道咸恩自天報德無地及恐四方之有病者去聖逾遠私智愈多誤人命脈體皇上惠民好生之心倩工刻梓以廣其傳如有病而得痊者皆皇上之所賜也繼宗無與焉嘉靖七年戊子六月既望賜進士廣東僉事休致慈谿趙繼宗序

劉桂曰夫人之一身陰常不足而陽常有餘故丹溪諄諄勉人養於陰以配陽實非欲補陰以勝陽也余近見趙繼宗儒醫精要一書駁丹溪專欲補陰以並陽是謂逆陰陽之常經決

無補陰之理二辯王叔和命門屬火之誤三辯張仲景傷寒  
無汗吐下法四辯張潔古無中暑中熱之分五辯中風無火  
氣濕三者之論六辯十二經之脈差謬趙公偏執已見妄立邪  
說以欺人乖悖經旨得罪於名教多矣噫仲景叔和醫之聖也百  
世之師也繼宗何人而敢輕議如此多見其不知量也

續醫說

盛氏端明程齋醫抄

一百四十卷

未見

程齋醫抄撮要

醫藏目錄五卷

存

自序曰予纂醫抄一百四十卷首以內經素問脈經諸書為  
經集歷代名醫所論著分門為治法諸方餘三十年間宦轍  
南北所至携以自隨每遇有奇方秘法輒編入于各門第簡  
帙繁多不能抄寫偶鄉友滕子安氏一見喜而欲壽諸梓以  
傳亦患力有弗及遣其子大學生克誠來請欲予撮其要者  
錄之于醫書所自得者皆非方法所傳欲撮其要尤難也  
乃以近驗者付之亦曰撮要云者因其請耳非謂醫抄中所  
集者其要止此也欲知醫者必得醫抄全書而詳習之厥術  
始妙此特其千百之一二云耳但窮鄉僻壤中得此亦可

以療疾也。滕氏刻書之功，豈可泯哉？故序之以貽得此書者。俾知所自云。時嘉靖癸巳夏四月朔，王華山人盛端明書。

徐春甫曰：王華子姓，盛名端明，潮陽人。登弘治壬戌進士，性好醫方，有求療不分貴賤，即與藥。官至禮部尚書，有醫抄百四十卷，并撮要等書。

王氏世相醫開

七卷

未見

四庫全書提要曰：醫開七卷，明王世相撰。世相字季隣，號清溪，蒲州人，呂柟之門人也。官延川縣知縣，是書凡二十四類。

首載或問數條，謂醫學至丹溪而集大成，蓋亦主滋陰降火之說者。

徐氏子字致知樞要

明志九卷

未見

俞氏并脈證方要

醫藏目錄十二卷

未見

何氏塘醫學管見

一卷

存

題詞曰余平日好養生之術以醫道切于養生且可寓濟物之仁也故留意焉沈潛日久頗有所見多前賢之未發時或語人契者甚少益以其素不留意故驟語之而不入也竊念余老矣不忍使所見無傳終于無用且恐或有差悞無以來賢者之教也乃錄出如右醫雖小道而可以寄死生之命士君子平居畧不留意一旦有疾乃委死生于庸醫之手豈不悞哉力學應事之暇時一留意蓋未必不賢于博奕也嘉靖甲午夏四月望日懷慶何瑭自叙

徐春甫曰何栢齋名瑭學究天人擢弘治庚海榜進士入

翰林歷陞都御史守身之潔一从不取蹈道之堅終日不待性天悃悃了無外慕方書調攝尤究心焉蓋以醫道切於養生且可寓濟物之仁也遂燭精微發前聖之未發闢後學之晦盲觀其著傷寒三陽欬嗽相火等論可知矣嘗謂士君子平居畧不留意于醫一旦有疾乃委死于庸醫之手豈不誤哉其集曰栢齋三書

四庫全書提要曰醫學管見一卷明何瑭撰瑭號栢齋懷慶人宏治壬戌進士官至南京右副都御史謚文定事蹟具明史儒林傳是書凡二十二篇自記謂因讀素問及玉機微義二書而作其說皆主於大補大攻非中和之道其第十九篇

論久病元氣太虛病氣太盛當以毒藥攻之尤不可訓其論金石藥一條則名言也

葉氏文齡醫學統旨

醫藏目錄八卷

存

題辭曰醫仁術也愛之道也先王之教主於仁而其愛溥也是故察脈醫之本也視證醫之則也調藥醫之用也立方醫之信也立方何以爲信曰方有微則信信則斯傳傳則用斯行行則則斯章章則本斯立則愛人之心無窮庶幾成仁術矣乎文齡二十年來蓋嘗用刀於此而求仁未能也嗟夫不

精於藝而但有愛心者是謂徒善能用其術而不根於愛者是謂無本根於愛而無所傳者是猶無術徒善不能行無本不能立無傳不能廣予懼夫人之病夫仁也是醫學統旨之所以作也是書也奚輯舊聞參之新得俾異同歸一繁簡合中同志者肯究心焉則審脈察證處方辯藥或不無少助文齡不佞抑求正於仁人爾嘉靖甲午長至日武林石峰子識

鄔璉序畧曰葉氏故儒生已去學軒岐家言用薦入御藥坊事敬皇帝再進祿秩當國工稱蓋非徒言之者

仁和縣志曰葉文齡字德微幼業儒不遂去學醫禮部屢試優等例授冠帶供職於聖濟殿陞太醫院吏目甲午召診保



和有功陞御醫忽被宣召御書忠愛額於堂庚子再召陞院判後因母老乞終養遂致仕所著有醫學統旨行於世

汪氏機醫學原理

醫藏目錄十三卷

存

自序曰余幼習舉子業寄名邑庠後棄儒業醫越二十年得以醫道鳴世編訂素問鈔本草會編運氣易覽外科理例痘治理辨針灸問答推求師意脈訣刊誤傷寒選錄等書幸諸從遊者協力鉅梓以廣其傳每病前書文理渙漫患吾子孫有志于是者非二十年之功弗能究竟其理因而挫沮者有

之于是復作是書首以經絡穴法列于前繼以六淫之邪與夫氣血之病次以內傷諸證婦人幼科終焉凡十三卷命曰醫學原理其中所論病機藥性悉本內經本草治方脈法皆據名醫格言朝究暮經廢寢忘飧經歷八春而始克就惟欲吾之後人樂守是道以承吾志觀病機即知病源之始終闡脈法即知病證之生死讀方旨即知立方之主意各條端緒燠然于心庶不負吾生平之所好也果若吾言則是集匪爲虛文可以事親可以養身可以活人其爲利也實溥矣又何羨于良金腴產之是遺以損其志而益其過耶

石山醫案

醫藏目錄三卷

存

程曾序畧曰吾郡祁之汪石山儒醫也於素問則有補註本草則有類鈔脈診有論著運氣則有提綱外科及針灸等書則又俱有纂述蓋集古今諸名家之所長而為一大成也乎其從事于醫殆四十餘載凡病家之求治者因脈製方隨投輒效從遊之士得於目擊者即手錄之以為成法其邑西石墅陳楠氏實石山高弟以其所錄者分為三卷名曰石山醫案刻之梓以傳請予終老禮屬序之夫病之見治於石山也如饑者得食而充渴者得飲而解溺者得援之而登顛危

者得扶持之而安蓋醫之王道也使同生朱滑之時其抱負設施與之同驅並駕未可必其或後先也後人視此不亦猶法家之有斷藥也哉引伸觸類延惠無窮其為慈孝之助多矣石山之傳撰于鏡山其未及載者賴此以傳豈非後人之幸歟石山名機字省之石山其號也

四庫全書提要曰石山醫案三卷明陳楠編楠字惟宜祁門人學醫於同邑汪機因取機諸弟子所記機治療效驗裒為一集每卷之中略分門類為次自宋金以來太平惠民和劑局方行於南河間原病式宣明論方行於北局方多溫燥之藥河間主瀉火之說其流弊亦適相等元朱震亨始矯局方

之偏通河間之變而補陰之說出焉機所技推求師意一書實由戴原禮以溯震亨故其持論多主丹溪之法然王氏明醫雜著株守丹溪至於過用寒若機復爲論以辨之其文今附醫案之末則機亦因證處方非拘泥一格者矣其隨試輒效因有由也舊有機門人陳錦所作病用參耆論又有機所作其父行狀及李汛所作機小傳今亦併錄之備參考焉

醫讀

七卷

存

繆氏坤方脈統宗

未見

江陰縣志曰繆坤字子厚七世以醫傳坤名更著性行淳篤自當脈辨方之外端居讀書不交塵事嘉靖間帥府檄至行間療疫全活甚多榮以冠帶非其好也著方脈統宗行世鄉飲十七次壽九十自爲文誌其墓

高氏志齋醫論

二卷

未見

四庫全書提要曰志齋醫論二卷明高士撰士字志齋鄞縣人是書作於嘉靖中上卷專論痘疹下卷雜論陰陽六氣血

脈虛實其說云今之醫者多非丹溪而偏門方書盛行則亦以朱氏爲宗者矣

**鄒氏**福經驗良方

明史一卷

未見

**聞書**曰鄒福字魯濟業醫善察脈決人生死於數載前遇奇瘡化醫不能治者福投數劑輒愈嘗手集經驗良方十卷

**呂氏**菱治法捷要

未見

按尤見于江陰縣志

**張氏**世華醫家名言

未見

**宗臣**太醫院院判思惠張君墓誌銘畧曰嘉靖二十九年八月十一日封太醫院院判思惠張公卒按狀公諱世華字君美思惠其別號也生而聰敏超特自少銳志于儒涉獵經史通其大義既而怙恃蚤失家道中衰乃幡然曰心存愛物醫儒一道也復修世業遂能盡盧扁之術所試輒有奇効名籍籍聞三吳時負病及門求療者如市正德間吳大疫公移藥囊于道斷隨請而應全活數十人吳有富室子病痿三年諸醫束手不治公曰此病在瘍也急以五毒之劑攻之即起矣

已而果然其人酬之百金公笑而却之吾何利哉始驗所見耳他如此類者不可殫述著醫家名言若干卷將傳于世去  
宗子相集

陶氏浩藥案

未見

徐春甫曰陶浩字巨源太倉人以儒攻醫數起奇證有藥案藏于家

方氏廣脈藥證治

未見

汪氏宦醫學質疑

未見

證治要畧

未見

按右三書見于古今醫統

吳氏昉扶壽精方

醫藏目錄二卷

存

按萬曆丁亥王氏所刻書三卷題曰續扶壽精方卷首有養真篇男女篇飲食篇事親篇四道及湯膏粥酒等三十二首其他諸方與是書不有異者

吳氏球諸證辯疑

明志四卷

存

活人心統

四卷

存

吳球曰此書召集先賢之成語論藏腑之盛衰錄古今經驗之方開後學正大之路皆直白之言非雕琢之說同志者鑒之陳莘題茨山吳翁小像後曰翁博學慕古輕財重義少嘗於心經術醫業獨得其精乃修方脈主意活人心統食療便民

諸症辨疑等書一十六卷感鉅卿慎齋胡公發明雲東龍公岱野張公邑侯赤山鄭公校證繡梓得成全集真醫學之指南也

方脈主意

未見

楊氏起經驗奇效單方

二卷

存

孫氏應奎醫家必用

一卷

存

徐春甫曰孫東穀名應奎號東穀洛陽人登正德辛巳進士好醫方以活人爲心有疾者不限高卑即與方藥官至戶部尚書著有醫家大法大旨必用等書若干卷

醫家必用類選

四卷

存

按先子曰嘉靖辛丑春東穀已著醫家必用後十二年更分門類方有所增添名曰醫家必用類選其序則與原書同故題曰復書

俞氏橋醫學大原

未見

海寧縣志曰俞橋少業儒究心理學兼精岐黃術嘉靖中以名醫被徵累官大醫院判橋於方書無所不晰更博詢名家得河間潔古東垣未刻諸稿及古今祕方斟酌損益之以治病無不奇驗居京師耻事權貴而貧家延之必盡心療治以故名愈藉藉而醫日窘士大夫雅重之著醫學大原一書蒐輯樞素以下諸家有關證脈者次以賦括令業醫之士診脈製方有所考證焉

李氏象醫略正誤

三卷

存

聶璜跋曰余內端石泉醫略正誤就梓方伯東谷叙弁其端  
推行引觸遠大不沉盡之矣迺謬屬諸叙未余又何言哉因  
次第其心學淵源以備觀覽之目石泉自少入郡膠殫力學  
易出入諸子史百家坐是邁疾奉厥甫東郊翁命就醫時東  
陽盧穀庵以茲術鳴寧藩禮致在館一見石泉奇其神異遂  
傾心焉未踰年疾瘳盡得其肯綮妙辭歸穀庵歎曰吾業有  
傳吾可以休竟請去得脫黨禍人咸喜穀庵先幾石泉得師  
自是本業優研極素難諸書有心得處筆之見偏門病病者

失處筆之與已之應病候寒暑按經絡驗處又筆之參訂指  
摘診脈之誤積撰成書分條別方題曰醫略正誤識者宗之  
每暇坐小樓輒取古詩畫玩適興到模倣揮灑體格成家題  
品景象韻格高古縉紳士謂其詩中有畫畫中有詩得之如  
獲拱壁匪獨醫之可稱然其化于今充選貢致用東谷曰予  
是之編可傳製序以贊其成刻予閱之嘆曰石泉是編信諸  
父兄師友信諸古而無誤於已者不亦可信諸人而無誤天  
下者乎視專門秘方者不侔行將徵諸內院使司局者果能  
如東谷所謂變而通之毋忌與執未必不為諸偏門斷案也

顧氏儒 簡明醫要



醫藏目錄五卷

存

自序畧曰。儒因先君多病久病成醫。得延壽考。乃示余曰。事親者不可不知醫。汝能攻之。非惟濟世。亦可養生。古良醫良相。並馳於窮達之間。苟有益於生民。則相業不見其多。而醫道不見其少。汝姑勉之。余拜敬諾。即棄儒就醫。師浙東之異人。訪梁溪之高士。無憚晝夜力學。有年。凡遇病。付藥。苦心力索。務求效驗。果幸地方得以少濟。而妻子亦藉以溫飽。由先君之遺教也。今老矣。有子別攻舉業。憫後無傳。且慮吾之子孫。後或疾痛。假手庸醫。無能治療。欲存管見。自備檢閱。又慮

夫先賢立論著方之浩繁。搜索不便。故撰擇已經效驗。平常方藥。手錄成帙。分門論病。分病定方。一閱可得。其難製之方。不錄。恠異之藥。不取。豈不簡且明哉。名曰簡明醫要。蓋皆聖賢之遺旨。非敢隙光自耀。擅措一辭也。識者幸相與訂正之。歲在乙巳仲夏。錄成。昔年七十有三。

江陰縣志曰。顧儒字成憲。少業儒。因侍父疾久。遂通醫。投劑無不立效。病家嘗夢其祖先。告以疾。非顧翁弗療。遠近爭延。貧者往往予之藥。復佐之薪米。著簡明醫要五卷。年八十終。

簡明醫要補遺

一卷

存

郭氏鑿醫方集略

七卷

存

跋曰余聞於節宣日抱宿病往為刑吏讖獄江左務殷損神  
事竣返泗河之墟病益棘衆委之不可起賴歸德閔守材醫  
視全活迨今德之北土猶羸瘠不堪事事遂引疾乞歸靜藏  
自廣迺得欽情於醫逖蒐古方摸序協則辨物分類雖掇其  
要而未盡也病小愈銓補地曹政暇延致名術探索玄奧時  
江左俞氏橋夏津王氏東陽維揚胡氏鐸金華邵氏泰京師

朱氏祿皆工於方技為衆所重因各出醫案及秘方相與參  
究品評積歲成帙復取舊集一作益之名曰醫方集略乙巳居  
內憂邑侯海洲楊公閱而珍之忻欲就梓復錫誨言以弁簡  
端此其澤人利物因仁者之用情也噫余寡昧速群見以使  
自調歇謂必傳而斟裁劑量亦惟執方而舊者有以變通之  
耳若夫妙參西之用順性命之理弛張損益不泥軒岐而超  
悟筌蹄顯侯醫國宗工嗣有以開我嘉靖乙巳孟夏望日丹  
泉郭鑿書

程氏伊釋方

醫藏目錄四卷

存

自序曰釋方者何釋醫方之名也方何以釋曰可以言傳者藥之名也可以意得者方之義也得名失義不得而用矣方之用也妙名義而通之者也弗通則泥泥則偏非唯病已適以誤人是故方之釋也不容已也夫農經昭示某法遠垂七方十劑之制表金匱千金之書雜而引之方亦衆矣博觀遐覽豈難知哉然或作聰明以加減矜智巧而改釋方與病遺名同意舛作者之意不亦邈乎余少涉醫流畧知大旨深懼肄業之士童而習之莫得其肯綮也迺取方訓義集藥爲歌方名八百歌稱是爲上稽聖經下逮張李旁證諸子附以管窺

雖童穉之階梯亦先哲之明鑒也若乃分部察候辨聲視色審盈虛以制變達消息而攻療則心手之妙固用意之自得非傳方之家所得悉而泥之者矣昔嘉靖丁未四月朔新安巖鎮月溪程伊識

序曰余嘗讀本草見古昔先民但云某藥主某病某事有某功或云某藥合某藥治某病爲良後人加以君臣佐使之別製煉炮炙之宜而方名之未立也蓋自穴俞鍼石之法罕傳而判腸割臆刮骨續筋之法廢矣於是乃湯液酒丸粒而用之若扁鵲之傳所載有所謂苦參湯半夏丸之類而方已著矣至漢張仲景一書極爲衆方之祖然其所云桂

枝湯麻黃湯芍藥甘草湯則直以藥味名之樸而不文猶有  
上古 皇之遺意其曰真武湯者言北方之水也而青龍白  
虎其義皆然標表既明治法與在固無事乎遠求而亦何事  
乎解釋也晉代以來其術漸廣良醫如張苗宮秦李子豫輩  
以及張茂先皇甫士安葛稚川陶弘景諸名士並研精斯術  
未有所撰惟范汪方百餘卷則其最多者也世代日降道術  
日非其淺見薄聞者深求隱晦鑄為巧似以聾瞽人之耳目  
而不自知其卑偽可厭妄誕可耻也於是亦 鑿鑿而人及  
有不能 者矣每見世之醫工往往以相難捕風捉影如  
良可唾笑新安程宗衡乃悉取諸方字為之解集諸

藥品而為之類名義昭然如指諸掌使世之用藥者循名  
以究其義因末以求其本其於藥術定無所得益也哉夫宗  
衡之為此釋深探力索旁引曲證可謂精確然其本意不  
為初學發蒙世人解惑耳 於大道玄通博物洽聞者則固  
無持於是也宗衡名伊字宗衡新安嚴鎮人家世習醫而  
驚人能涉獵書史通大義初學舉子業少孤弗能就乃  
學醫云

彭氏用光體仁彙編

醫藏目錄六卷

存

傳鳳翱序曰古今醫刻無慮數百種而脈訣則宗叔和氏太素脈訣鮮有刻者則閩半洲蔡先生取廬陵彭用光所藏鈔本刻之嶺表序太素題曰體仁何蓋仁者天地生物之心醫以生人爲業仁術也太素醫之推也曰彙編者何先生又取用光所摘錄叔和東垣脈訣藥性與所嘗治病試驗方藥竟見圖說類粹鉞梓謂其與太素相表裏也太素不言治療叔和不言窮通均之本二氣之消息盈虛五行之生剋制化察識於呼吸隱約之微以辨別其生死窮通之數立論若殊指歸則一非若水火不相爲謀也用光潛心諸家云亦有年而參伍貫通若有得其肯綮者博遊於燕趙吳奧間縉紳君子招

延診治輒奏膚功咸稱慕之先生併刻其所輯序而傳焉蓋嘗有所試亦示人以全體仁道之微意也慨夫一嶺之隔書郵不至頃得之吳默泉方伯閱其中字有脫誤仍付用光正之用光復檢所遺漏方說并取同縣趙銓太素鈔增入若干條銓固精太素有名著茲編跡舊本頗爲明備雖非全書亦醫之要領也

簡易普濟良方

醫藏目錄六卷

未見

趙氏銓石亭醫案

未見

岐黃奧旨

未見

按右見于廬陵縣志又以體仁彙編為銓所著誤

醫籍考卷五十七

醫籍考卷五十八

東都丹波元胤紹翁編

方論三十六

張氏時微攝生衆妙方

醫藏目錄十一卷

存

自序曰夫內經靈樞言攝生之旨甚詳然編簡斷蝕博聞莫正其訛行譯精微層士徒剽其緒流播益遐謬本初矣春秋以來乃有越人陽慶淳于意之徒潛授禁方隱垣知物施諸治療咸稱神明而術數奇咳罔所傳布其後乃有華陀益用

剗腹洗腸之技而遭匪其人殞身圜棘獄吏却書引火就燎  
迄無遺焉又其後乃有東垣丹溪未覩堂奧頗沿流委匪曰  
能神亦稱良師矣今諸醫家所循習則多其銓綜之方也然  
變化無窮裁成互異因時治療則豈無引而伸之者乎余少  
嬰多疾啖藥餌如膏梁或已已病或見已人之病輒以其方  
錄而藏之久乃遂成簡裘矣夫物我一體戚休同之倘可以  
解患苦而養元和將疾走告語孳孳况敢以自私秘乎爰分  
表門類次第其書而序之梓人

錢謙益曰張尚書時徹字惟靜鄞縣人嘉靖癸未進士兵部  
武選主事改禮部儀制出為提學副使歷官南京兵部尚書

以日本入犯勒歸有芝園集五十六卷列朝集

四庫全書提要曰攝生衆妙方十一卷明張時徹編時徹字  
維靜鄞縣人嘉靖癸未進士官至南京兵部尚書事蹟附見  
明史張邦奇傳是編分四十七門標目繁碎自序云每見愈  
病之方輒錄而藏之蓋隨時鈔集而成未為賅備

急救良方

醫藏目錄二卷

存

自序畧曰曩得急救方一本每携以自隨或以自治或以治  
人率多懲應間有新得輒從其類附益之其譌舛無驗者刪

黜之遂付梓人刻焉

四庫全書提要曰急救良方二卷明張時徹撰分三十九門專為荒村僻壤之中不諳醫術者而設故藥取易求方皆簡易不甚推究脈理也

江氏瓘名醫類案

國史經籍志十二卷

存

自序曰予讀褚氏遺書有曰博涉知病多診識脈屢用藥嘗撫卷以為名言山居僻處博歷何由於是廣輯古今名醫法治奇驗之迹類摘門分世採人列為書曰名醫類案是亦

褚氏博歷之意也自夫三墳墜而九丘湮方書繁而經論廢或指素難以語人鮮不以為迂者醫之術日益濫觴通經學古世不多見昔鄭公孫僑聘於晉適晉侯有疾卜云實沈臺駘為崇史莫之知乃問於僑僑具述高辛亥寅之遺參汾主封之故四時節宣之道通國驚異以僑為博物君子大史公作史記傳淳于意備書其治病死生主名病狀診候方脈詳悉弗遺蓋將以折同異極變化求合神聖之道以立權度於萬世軒岐俞扁之書匪直為虛誕已也今予斯編雖未敢潛擬先哲然宣明往範昭示來學既不詭於聖經復易通乎時俗指迷廣見或庶幾焉耳學者譬之由規矩以求班因鼓以



永翠引而伸之。溯流窮源，推常將不可勝用矣。書凡十二卷，為門一百八十有奇，間附說於其下云。

江應宿序畧曰：先君子清脩力學，不偶於時，抱病攻醫數起，人危疾未嘗以醫名家，藏禁方及諸子列傳無慮百數十種，披閱適窺手錄以備遺忘，積二十年所，遂成是書，分門析類，為卷十二，為條二百有奇，草創未就，遽爾見背，應宿不肖，醫齒多病，趨庭問難，頗契其旨，弱冠奉方伯叔父之滇南，尋游吳越，齊楚燕趙，間博採往哲奇驗之跡，載還山中，懼先集未梓，久而散逸，因取遺稿，編次補遺，亦越歲十九，凡五易抄，更與伯兄參互考訂，勒成全書云。

錢謙益曰：江秀才瓘字廷瑩，歙人。王寅曰：廷瑩早歲明經，本為用世之具，抱病廢棄，放情於詩，九邊有論，遇糴有書，猶未忘用世之志。

抗世駿序曰：內經以五運六氣三部九候，原生人之疾病，診有一定之法，刺有一定之鍼，此所謂案也。雷公年幼，小別而不能明明，而不能彰陰陽二十五人先師之秘，伯高不能盡知天地動靜五行遷復，思鬼吏更區上便，不能遍明通陰陽推四時，握五紀，藏其言於金匱書，其對於玉版，隆以天師之號，而無所讓，岐伯一人而已。岐伯千言萬語，汗漫極於六合，曰無盛盛，無虛虛，約以二言，此靈素之總龜也。經所謂實者瀉之。

虛者補之。此二語之註脚也。是之謂其言也。立言立而案存。後雖有良醫不能易。所謂南山可移。此案不可動也。秦越人張仲景皇甫謐楊上善導其源而益顯。張潔古劉河間王海藏李東垣暢其流而大明。未流稍分。人自爲師。家自爲學。能殺生人而不能起死人。黃帝告雷公以十全。周禮醫師亦言十全爲上。靈樞言上工十全其九。中工十全其七。下工十全其六。岐伯言上工救病於萌芽。下工救其已成。救其已敗。彼所謂中工。皆今之上工也。周禮十失四爲下。在今猶爲中工。中工之所不失者。亦幸得之。案不足錄。上工之案則其可存者也。明嘉靖時休寧江秀才權嘗取歷代名醫之已驗者輯

爲類案子。應斗曆宿足成之。吾觀太史公之傳淳于意。則意之醫案也。陳壽之傳華佗。則佗之醫案也。李延壽之傳徐文伯。則文伯之醫也。後史以醫爲小道。傳方術者畧而不書。而案之存於史者益寡。諸醫之良者。自得其術。倖而不終。至於泯沒。江氏賅而存之意。良善也。書久殘失。而字句訛謬。吾友魏玉橫氏精於醫術。能窮其源。洵以已見而論議。不至混淆。鮑以文氏博於考索。能知其攷。刊其訛字。而湯齊不致貽誤。過而請序。余不知醫之術。而能深見其理。是書也。出醫學入門之階梯也。虛衷玩索。由病以求其源。而軒岐不難。美壻遇之。吾所告於世醫者有三。一曰審脈。自僞王叔和之脈訣行。

左爲人迎右爲氣口庸醫奉爲科律二語不知其何本也六  
節藏象云人迎陽脈氣口陰脈可言陰陽不可言左右也人  
迎在結喉之左右氣口卽寸口亦曰脈口爲諸脈之總彙在  
手魚際之後一寸人迎有左右氣口亦有左右明于人迎氣  
口則知四經十二從以通于十二原以貫于三百六十五氣  
穴三百六十五經絡所謂鉤毛弦右溜與夫春弦夏鉤秋浮  
冬營者洞若觀火矣今之醫不知脈一曰辨藥神農以楛鞭  
鞭草木一日而遇七十毒以身試而著本草經辨藥之性也  
必深明於溫涼平毒之性而後得君臣佐使之用固也然陰  
中有陽陽中有陰石藥發顛芳草發狂辨之不易明知之

亦不易悉苟非陶弘景陳藏器其人未有不誤用者而今之  
醫不知藥知脈矣知藥矣吾又益之以一言曰慎思語曰醫  
者意也黃帝有問岐伯卽知其人之病之由雷公有問黃帝  
卽知其人之病之由以意決之也此卽黃帝岐伯之醫案也  
若其病不應脈當思其病脈不應病當思其脈藥不應病當  
思其藥三者相參思之思之其有不合者寡矣醫之有案蓋  
未有出此三者遵其道而用之人人皆可以爲良醫人人皆  
可以立案大和保合使斯人各得盡其天年而不夭折於庸  
妄人之手以文氏重刊之功豈不偉哉余固不憚曉曉以辨  
以文氏曰子之辨予知之而不能脫諸口也蓋書聖書之遂書

之以爲序道古堂集

四庫全書提要曰名醫類案十二卷明江瓘編其子應宿增補瓘字民瑩歙縣諸生因病棄而學醫應宿遂世其業其書成於嘉靖己酉所採治驗自史記三國志所載秦越人淳于意華佗諸人迄元明諸名醫摭拾編分二百五門各評其其病情方藥瓘所遺事評論者亦夾註於下如傷寒門中許叔微治秘結而汗出一案衆醫謂陽明自汗津液已漏法當用蜜兌而叔微用大柴胡湯取効瓘則謂終以蜜兌爲穩又如轉胞門中朱震亨治胎壓膀胱一案猶令產媪托起其胎瓘則謂無此治法其言不確凡斯之類亦多所駁正發明頗

爲精當第戶履門中附載鍼驗引及酉陽雜俎所載高句驪人言髮中虛事與治病毫無所涉難產門中引焦氏類林載于法閑令孕婦食肥羊十餘鬻鍼之卽下事卽不明食羊何義又不明所鍼何穴亦徒廣異聞無裨醫療皆未免驚博嗜竒然可爲法式者固十之八九亦醫家之法律矣瓘初成是編未及刊刻瓘歿之後應宿又以瓘之醫案分類附之而應宿醫案亦附焉歲久版刻近時歙縣鮑廷博又爲重刊其中間附考證稱瓘案者乃魏之琇所加也之琇字玉橫錢塘人也

魏氏之琇讀名醫類案

六十卷

未見

杭世駿序曰黃帝言不能起死人而不殺生人扁鵲述其言是病已成雖黃扁不能使之生明矣其有本無病或小有病而誤鍼之誤藥之以至於不可救則粗工之罪也然而病者之妻子父母轉諉之命與數而粗工曉曉自解且以為吾嘗盡心於是而不謂其人之不克承也天下如此其大歲月如此其悠且久粗工徧滿宇宙如此其衆計其一日之中方心毒手所斬刈戕賊者各列其姓氏各存其醫案蓋較之讞獄決囚之冊或相什佰或相千萬西而不可底止幸矣其各相抵

諱閔默而不以告人故其案如飄風陰火隨時滅沒而世莫知也一二上工診脈審運鍼當處方慎又遇其人之福厚而算長者會逢其適而痿者之起於是乎喜談而樂道之或以為得効或以為經驗筆之為書而立之為案自宋迄今凡幾百家傳其術者寶其方神其術鯁鯁焉轉相告語隨隨然帖耳而聽受杭子曰嘻甚矣其沾沾自喜也以陰陽而論人有二十五生是人即有是病有是病即有是醫醫者知其人知其時知其脈因勢而利導之黃帝扁鵲去人不遠也不讀黃帝扁鵲之書而欲試黃帝扁鵲之術死者不能使之生而生者即可致之死語云學醫人費人之類多至二十有五而醫

之殺人則一曰不學而已學之通何從則讀黃帝扁鵲之書而已黃帝存乎曰死矣扁鵲存乎曰死矣類案具在發明其書之旨也類案傳雖謂黃帝扁鵲至今不死可也寧南江氏彙集前哲之案而刊之吾友魏玉橫氏又從而廣之粗工觀之則以爲已陳之芻狗而抗子觀之則醫家之蒙求何也玉橫氏能讀黃帝扁鵲之書者也合土則必有其范伐柯者必有其則以是爲學醫者之范與則而思過半矣醫案云乎哉

道古堂集

四庫全書提要曰續名醫類案六十卷國朝魏之琦撰之琦既校刊江瓘名醫類案病其尚有未備因續撰此編雜取近

代醫書及史傳地誌文集說部之類分門排纂大抵明以來事爲多而古事爲瓘書所遺者亦間爲補苴故網羅繁富細大不捐如疫門載神人教用香蘇散一條猶曰存其方也至脚門載張文定患脚疾道人與綠豆兩粒而愈一條是斷非當食之綠豆豈可錄以爲案又如金瘡門載薛衣道人按已斷之首使人回生一條無藥無方徒以語怪更與醫學無關如斯之類往往而是殊不免蕪雜又蟲獸傷門於薛辛齋蟲入耳中一條註曰此案耳門亦收之非重出也恐患此者不知是蟲便檢閱耳云云而腹疾門中載金臺男子誤服乾姜理中丸發狂并一條隔五六頁而重出又是何義例乎編

次尤未免僚卓然採摭既博變證咸備實足與江瓘之書互資參考又所附案語尤多所發明辨駁較諸空談醫理固有實徵虛揣之別焉

呂氏應鍾葆元行覽

未見

江陰縣志曰呂應鍾字元聲太醫吏目傳禁方而變化之能望氣決人死生或談笑間療人痼瘍著葆元行覽世效單方兩書邑令胡士教為序

世效單方

未見

盧氏志醫學百問

未見

按右見于古今醫統

萬氏表濟世良方

國史經籍志五卷

存

萬斯大曰高祖鹿園公諱表字民望性至孝少孤奉母至恭人教唯謹母卒廬墓三年以世職中正德庚辰武進士晉都指揮督運至淮見饑民滿道先賑後報陞浙江司關抑鎮守中官絕其子請遷南京大教場坐營飭營伍宿弊懲魏國

悍并之干紀者歷任漕運參將廣西副總兵淮安總兵提督  
漕運命書南京中府都督同知踰年病卒年五十九學禮質  
疑萬氏世紀

萬氏并學萬氏家抄濟世良方一本作醫學入門良方考

六卷

存

萬邦學曰予先大父刻濟世良方凡五卷行於世久矣日久  
板壞字重刻之因以續得經驗諸方隨門增入蓋不敢秘抑  
欲以承先志也又集脈訣藥性附于末為第六卷庶施治者  
察脈認藥參以成方或不至以病試云

萬斯大曰吾祖瑞巖公諱邦學字汝永黃淑人出由先職陞  
浙西運總以軍法部署漕卒歲漕數十萬如期畢粟不矢籽  
粒習山東都目僉書倭薄金山朝鮮告急廷讀謂公南人習  
舟乃并游擊將軍帥南京龍江營水師克日赴援已撤守鴨  
綠江轉漕遼陽給食不乏擢溫處參將移狼山副總兵晉都  
督僉事總兵福建斯年以病歸與鄉先生飲酒雅歌詩名一  
枝軒草年七十五卒學禮質疑萬氏世紀

萬氏積善堂秘驗滋補諸方

一卷

存



丁氏鳳醫方集宜

明志十卷

存

丁明登序曰：余家上世以來，率精於醫。洪武間，吾祖仲寶翁以耆德推重，鄉評承京兆。委署本邑事，最人其神異尤多。成化間，吾祖德剛江之游，蘆葦葦葦葦葦間多虎，慕德剛翁為文祭之。虎渡江去，地遂無虎患。又嘗還人遺金，至今祭虎還事望中人猶津津然能道之。其它行事，具見廬陵孫公島傳中。暨吾祖伯遠讀書龍洞山中，過異人授秘方，後令朝城九載致政，其交游遊燕京。當時在朝諸老如劉公大夏、屠公鏞

侶公鍾、曾公鑑、顧公佐、潘公禎，俱重翁之品，歡然與相酬唱。篇什甚衆，蓋屢世皆擅活人妙術。其遺方秘簡，歷更以來亦頗散逸。逮吾王大父竹溪翁，精心慧識，始搜括盡餘而表章之。參以古方，益以己所證驗，裒集成書，凡有十卷。其書首病源次形證，次脈法而治法，治方治驗，又次之。一開卷而病者之情形與用藥之竅會瞭然指掌。嘗曰：醫者意意者宜也。因名之以集宜。顧散帙舊藏篋中，余懼其久而寢以散失，使前人一片活人心地湮沒不傳，不忍也。又聞地絕少醫藥，以禱賽代鍼砭以巫覡當醫王。一有寒暑霜露之虞，束手無策，况其大者乎？於是謀壽諸梓，以廣其傳。惟吾王大父仁心為質。

其天性孝友忠誠不欺諸不具論其細者於凡貧難之人乞醫曾藥厚資絡之婉慰藉之未已也又諄復期以來告必無自沮殷殷然應之無倦色於戲此其心何心哉慎斯術也以徃則必不遺微細則哀此竄獨旨哉王大父良相良醫之論真知言也吾故因叙是書而並及其制行大畧以見吾王大父苦心濟人之意非祇區區剿古人緒論以衍岐黃一脈已也

按是書明志舊爲丁毅所著然毅明登明序所謂德剛也今改訂焉

王氏文祿醫先

一卷

存

題詞曰上醫治未病不治已病治未病易而無迹治已病勞而罔効是故治未病者多忽而已病者始求諸醫醫雖良其如病成何膏盲之諭惜也自秦以前墳典完備學出于一養德養生無二術云秦以後坑焚燼漸幸素問傳猶學者棄而不講目爲僞撰蓋不知多參贊至言非聖弗能也矧天子以至庶人脩身爲本豈有遺身而能用世耶是在辨之早焉已矣于是作醫先蓋先未病而醫之不施餌劑砭針同躋仁壽之域醫見者庶以監予之心豈曰不爲良相當作良醫至嘉靖

庚戌夏五既望海鹽沂陽生王文祿

海鹽縣圖經曰王文祿字世廉少舉鄉薦屢上春官不第居身廉峻未嘗以私于人遇不平時叱罵不避權貴戶出三百請編役如民佐邑令成均由法性嗜書聞人有異書傾囊購募得必手校縹緗萬軸置之一樓俄失火大慟曰但力救書者賞他不必也所著有藝草邱陵學山邑文獻志衛志

楊氏闕名願真堂經驗方

未見

七名氏醫學切問

未見

陸氏闕名積德堂經驗方

未見

七名氏法生堂經驗方

未見

劉氏松石保壽堂經驗方

未見

王氏仲勉經驗方

未見

禹講師經驗方

未見

戴氏古渝經驗方

未見

亡名氏試効錄驗方

未見

龔氏闕名經驗方

未見

亡名氏纂要奇方

未見

瀕湖醫案

未見

瀕湖集簡方

未見

藺氏闕名經驗方

未見

孫氏一松試効方

未見

何氏大英發明證治

未見

亡名氏濟生秘覽

未見

錦囊秘覽

未見

芝隱方

未見

世醫通變要法

未見

阮氏關名經驗方

未見

坦僊皆効方

未見

趙氏關名經驗方

未見

楊氏關名經驗方

未見

唐氏瑤經驗方

未見

鄧氏筆峯衛生雜興

未見

張氏關名經驗方

未見

王氏英杏林摘要

未見

徐氏闕名家傳方

未見

鄭氏闕名家傳方

未見

張氏闕名瀟江切要

未見

亡名氏生生編

未見

奚囊備急方

未見

按以上三十三書見于本草綱目引據醫家書目

錢氏原澹集善方

明志三十六卷

未見

鎮江府志曰錢原澹字彥深號愈菴集書數千卷手撮其精  
要點校而讀之有得則標題於上旁通醫術著集善方三十  
六卷

薛氏已家居醫錄

明志十六卷

國史經籍志作七卷

未見

醫學指南

醫藏目錄十卷

未見

內科摘要

醫藏目錄二卷

存

薛氏醫案

一卷

存

薛氏醫案

七十八卷

存

四庫全書提要曰薛氏醫案七十八卷明薛己撰己字立齋吳縣人是書凡六十己所自著者為外科樞要四卷原機啓微三卷內科摘要二卷女科撮要二卷癘瘍機要三卷正體類要二卷保嬰粹要一卷口齒類要一卷保嬰金鏡錄一卷其訂定舊本附以己說者為陳自明婦人良方二十四卷外科精要三卷王綸明醫雜著六卷錢乙小兒直訣四卷陳

文仲小兒痘疹方一卷杜本傷寒金鏡錄一卷及其父鎧保嬰掇要二十卷初刻於秀水沈氏版已殘闕天啓丁卯朱明爲重刊之前有明紀事一篇載明病困時夢已教以方藥服之得愈又夢已未刻此書其事甚怪然精神所注魂魄是憑固亦理之所有不妨存其說也已本瘍醫後乃以內科得名其老也竟以瘍卒詬之者以爲補益之弊終於自戕然已治病務求本原用八味丸六味丸直補真陽真陰以滋化源實自己發之其治病多用古方而出入加減具有至理多在一兩味間見神妙變化之巧厥後趙獻可作醫貫執其成法遂以八味六味通治各病甚至以六味丸治傷寒之渴膠柱鼓

瑟流弊遂多徐大椿因併集失於薛氏其實非己本旨不得以李斯之故歸罪荀卿也世所行者別有一本益以十四經發揮諸書實非己所著亦非己所校蓋坊賈務新耳目濫爲增入猶之東垣十書河間六書沒收他家所作以足其數固不及此本所載皆已原書矣

黃氏承昊評輯薛立齋內科

十卷

未見

吳學損曰薛立齋先生醫案女科幼科外科俱有專書足稱美備獨于內科所集尚欠序次摘要善矣然讀之或未能得



其詳舊惟黃履素先生於各案中摘集成書名曰內科醫案  
誠補薛立齋之未備嗣當不惜餘力爲訂定以公世焉  
四合全書

按右見于浙江通志經籍

賀氏岳明醫會要

二卷

未見

錢琦序曰賀君岳少業儒以母病風徧求醫醫莫能治乃奮  
志曰母病弗瘳兒奚儒爲于是盡搆醫家書讀之逾年曰吾  
知所以療吾母矣卒奉以周旋母享高壽又得蘇醫王氏惟

雍之傳而業益精里閭病輒就君治治輒効其門至暮擁而  
且集自是邑若郡自侯以下咸召君無虛日藩臬間醫必以  
君對縉紳游歷郡下亦必迎君以往由是君所及彌廣矣君  
間閱古六書久之欣然意會成帙題曰明醫會要邑侯魏  
公精于醫者也心好之未及鋟輒擢去會舊邑侯夏公備兵  
海上乃授指揮李元律梓行屬余序予作而歎曰饑寒之病  
常病于政疇羸之民常病于醫古之名夫醫者軒岐而下則  
有如尹咸張劉輩起其仆若斃而國命賴以壽故曰上醫醫  
國豈其技獨神哉將精其業者特異乎人惟精故名也今時  
號醫家者流莫知素難靈樞等爲何籍下此則借以規利累

百不一良乃君獨以儒業醫而著述有傳如此夫人以醫擬相言利物也竊疑過之惠及永永相業然乎哉自二公相繼撫吾邑上下德之喜吾民不病于政乃今閱是書猶夫政也又喜吾民不病于醫為之序

臨江先生集

醫經大旨

醫藏目錄四卷

存

允例曰岳嘗輯明醫會要既板行矣人多喜之然後又纂醫經大旨非有他惑而重出也蒙郡主劉公訪岳頗諸醫術案發群書督令採集惟愧老鈍疎庸焉敢有違遂勉強奉謹

摘歷代諸賢要語少加潤色以歸於一其中金石古怪燥毒劫藥悉削不存懼其禍人也非敢自以為是條例于後同志者乞斥正之勿以狂瞽誚予幸甚

皇甫氏中明醫指掌圖

醫藏目錄十卷

存

張鑿序曰予門人皇甫生山暨其弟高岱皆仁和知名士別十年山來謁金陵手書一編閱之明醫指掌圖也曰山為是書三世甲之亦三世矣自其菊泉大父治軒岐集履歷經驗效具蒙齋氏為傷寒指掌書而雲洲翁成之益以廣指掌也圖

參內經博采古哲遺方變通不泥凡旬歲而後成爲卷若干  
首之歌賦以括百病便於憶誦也復爲箋以原病次疑也繼  
以診視判死生標本而使人察也又繼以形以方印證切而  
藥劑良也且法度工能巧異可想見武林靈秀會人物執文  
之美而非久且專其業曷克有此書成雲洲翁以授其子岫  
岡乃山以質于予曰某小子不敏重墮先志願一言以永其  
傳嗟乎獨虞麟趾之德世不恒有常情苟矜一善其不爲鑽  
核焉者寡矣杭人以醫稱皇甫氏至久皇甫氏父子祖孫醇  
謹無間好急人厄難至忘寢食寒暑不計償報顧又以此則  
惓惓嘉惠錫類是欲天下皆壽於醫而醫皆躋於良且聖君

子惡得而弗與也云

邵氏達

訂補明醫指掌

醫藏目錄十卷

存

自記曰余大父金山先生篤志藝林馳譽江左及門問業者  
多所顯貴而再入棘闈弗利竟以逢掖老吾父幼敏慧大父  
奇愛之希其蚤就不虞大父忽遭一疾治不能痊遺命吾父  
曰汝不爲良相且爲良醫無何吾父兼失所恃但試有司遂  
改業醫自號念山五十載以來頗以是術名於世吳城內外  
老幼男女病傷寒痘疹者得吾父卽全活難以數計生不肖

體弱而多疾力不能終舉子業吾父卽命棄去訓讀岐黃諸書如是者幾易寒暑稍有所得則出雲洲翁所著明醫指掌示不肖曰卿爾所習仲景傷寒東垣內傷河間熱病丹溪雜病此學之博者也約而精則有是書爾其宗之予敬授命朝研夕考始喻其旨真所謂挾秘鉤玄遠紹諸家之說分標治本闡明運氣之宜善矣所微憾者拘於圖而局於論顯於證而晦於脈詳於方而畧於法翻檢尚有紆迴乃不揣原其所載目則分之以門方則聚之以類而附列歌註各以己意參入俾學者因脈辨證綠證施治彈指頃便度津梁而余亦藉是多所解悟蓋余不幸不生先生之世猶幸去先生之世未

遠可以私淑門牆也當世鉅公願共鑒之天啓二年九月吉且長洲後學邵達行甫謹述

江南通志曰邵達蘇州人北虜之後人也喜讀司馬遷書予不釋卷精於傷寒手到病立起有鄰人以乏食病瀕死達於藥囊中畏金餉之遂霍然人號爲仁山先生

吳氏顯忠醫學權衡

未見

徐春甫曰吳顯忠字用良號雲窓休陽人家世業儒忠性好醫以戴人汗吐下法而補之以利溫和方足以盡其醫道之妙名曰醫學權衡行世

徐氏春甫古今醫統

明志一百卷

存

自序曰昔者上古之世洪濛未鑿民不夭札厥後風氣漸開情實日啓疾病生焉黃帝惻憫濟以醫藥而內經作矣後世因之迨自秦漢唐宋以下代不之人載之簡篇汗牛充棟咸以神其術妙其用而躋天下後世於仁壽之域者也春甫家世業儒恒讀素問諸書頗探索其醫之蹟隱然而義理微茫精滲錯別甲可乙否莫知適從所以憚浩繁者撮拾殘言謂之捷徑致使本源根核無所稽攷其不淆聖經而戕民生者

幾希予不自軀愚陋以平素按內經治驗諸子折衷及搜求歷世聖賢之旨合群書而不遺析諸方而不紊舍非取是類聚條分共釐百卷目曰古今醫統蓋採上古之法以迨歷世之良而兼總於今日統集異同井然區別彙成編帙察乎可觀庶幾厭繁者有所歸趨簡者無少失一開卷而醫之法制權衡始終本末如視諸掌其於養生不無小補若謂全書曰非闕典則猶俟於賢知者焉嘉靖丙辰仲冬至日新安徐春甫序

醫學入門提要六書

六卷

存

鮑氏叔禹脈證類擬

未見

醫方約說

二卷

存

自序曰夫道無所本則汗漫無歸學無所宗則趨向靡定醫之為道而人命繫焉不亦重哉予家世業儒流傳醫道厥有原自祖醫繫籍京師予今叨授斯職先君恒齋翁邑庠弟子員受業大參節齋王公益張是道予少事舉業數奇病繁尤

究方書素難恍有以其要領者著脈證類擬我師少事松谿程公序諸首梓行矣或謂予曰子之類撰人皆愛之若夫方書簡便誠醫家入門之徑也惜未有徧及諸證之方益更發明之則人咸躋仁壽而嘉惠無窮矣予曰然夫方書目張劉李朱戴王之後作者紛紜孰見論證漫無歸一嗟夫以人之命而試人之言岌岌乎殆哉於是恫瘝厥心視為職分後究先哲論治會融玄妙鉤摘精要編次成帙名曰約說詞理簡而會歸有元說雖粗而向趨甚正茲固步武遺蹤間亦竊附己意皆素所親試而多中者可以按方治病同志之士或有取焉尚俟他日奏聞道同一原庶不負我高祖設教司人

之命之寄寄也是為序嘉靖三十六年丁巳三月鮑叔昂書

陳氏仕賢經驗濟世良方

醫藏目錄十一卷

國史經籍志作十卷醫藏目錄重出經驗良方四卷

存

四庫全書提要曰經驗良方十一卷明陳仕賢編仕賢字邦憲福清人嘉靖壬戌進士官至副部御史其書首載醫旨脈訣藥性別為一卷次為通治諸病門如太乙紫金丹牛黃清心丸之類次分雜證五十二門皆鈔錄舊方無所論說自序稱與通州醫官孫宇考定而成云

醫旨

醫藏目錄一卷

未見

李氏名恭集秘方

國史經籍志一卷

未見

醫籍考卷五十八

井村宗暢寫



